



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

EIN TRISTANFRAGMENT

Das *Ms. Germ. fol. 923* (Sammelmappe) der Königl. Bibliothek, Berlin, nach einer sorgfältigen Abschrift A. Reifferscheids vom Jahre 1878 hier zum ersten Mal mitgeteilt, enthält auf einem Pergamentdoppelblatt in Quart aus etwa der Mitte des dreizehnten Jahrhunderts, zweispaltig beschrieben, die Spalte zu 41 Zeilen, die Verse 10614–10776 und 11433–11596 von Gottfrieds *Tristan*. Für eine genauere Beschreibung verweise ich auf Scheel, *Die Berliner Sammelmappe deutscher Fragmente. Festschrift für Weinhold*, Leipzig, 1896, S. 35, Nr. 4, sowie auf Marold, S. liii seiner Ausgabe, wo das Fragment mit *m* bezeichnet wird. Obgleich das Bruchstück schon lange bekannt und für die Kritik verwertet worden ist, lohnt es sich wohl der Vollständigkeit halber dasselbe den Fachgenossen allgemein zugänglich zu machen.

Der Dialekt ist alemannisch und der Text stellt sich nahe zu dem der Fragmente *f* und *t*, worüber ist jetzt zu vergleichen Ranke, *Zeitschr. f. d. A.*, LV, 157 ff. Im folgenden halte ich mich eng an der Überlieferung, nur werden Abkürzungen durch Kursivdruck aufgelöst. Für *daz* steht in der Handschrift gewöhnlich *dc*. Neue Abschnitte werden durch Ausrücken der Zeile bezeichnet; einmal, bei Vers 10695, steht eine grosse rote Initiale (H), welche den Raum von fünf Zeilen einnimmt. Mit *a* und *b* werden Vorder- und Rückseite des Blattes bezeichnet.

BLATT 1a, SPALTE 1

Marold 10614 die man ze beiden namen sol haben.

- 15 daz ez allez ein was.
wan swederhalben ich hin las.
so ne was ie ni me dar an.
wan tantris oder tristan.
vnd ie an einem beide.
- 20 Nv m̃vter nv sceide.
disen namen tantris.
in einen tan vnd in einen tris.
vnd sprechet daz tris fur daz tan.
so sprichestv tristan.

- 25 sprich daz tan vur daz tris.
 so sprichestv tantris.
 Div mv̄ter segenete sich.
 got sprach si der gesegene mich.
 von wannen kom dir ie der sin.
- 30 nu si dri von im vnder in.
 geredeten menger hande.
 div kunegin div sande.
 Nach dem kunege.
 der kom dar.
 sehet herre sprechent si nemet war.
- 35 ir sulent vns einer bete gewern.
 daz wir dri ernesliche gern.
 t̄vt irz ez kumet vns allen wol.
 ich volge swez ich volgen sol.
 Swaz ir wellet dast getan.
- 40 habet ir danne an mich verlan.
 sprach abr div kunegin.
 ia. swaz ir wellet daz sol sin.
 Gnade herre daz ist gen̄c.
 herre der minen br̄der sl̄c.
- 45 tristan den han ich hinne.
 dem sult ir iuwer minne.
 vnd iuwer hulde lazen han.
 sin gewerp der ist also getan.
 daz div s̄ne v̄ge hat.
- 50 Der kunc sprach triwen disen rat.
 den laz ich baltliche an dich.
 er gat dich mere an danne mich.
 morolt din br̄der waz dir.

BLATT 1a, SPALTE 2

- naher gesippe danne mir.
- 55 hastuz vmbe in varn verlan.
 wiltu so han ich ez getan.
 Sus seite si dem kunege do.
 tristandes mere rehte also.
 als er ir selbe sagete.
- 60 diz mere daz behagete.
 dem kunege wol vnd sprach ir zv̄.
 nv sich daz ers mit triwen t̄v̄.
 Div kunegin do sande.
 brangen nach tristande.

- 65 vnd als *tristan* in gie.
 dem *kunec* er sich ze fÿzen lie.
gnade herre kunec sprach er.
 stat vf *herre tristan* gat her.
sprach gurnun vnd kusset mich.
- 70 vngerne verkiuse ich.
 idoch verkiuse ich den zorn.
 sit in die vrowen hant verkorn.
Herre sprach abr *tristan*.
 an dirre sÿne da ist an.
- 75 min *herre vnd* beide siniv lant.
 ia sprach her gurnun zehant.
 nv disiu sÿne zende kam.
 div *kunegin tristan* den nam.
 vnd sazten zÿ der tochter nider.
- 80 vnd bat in ovch daz mere wider.
 ir herren al von erest sagen.
 wie ez sich hete dar getragen.
 an allen disen sachen.
 beide vmbe den trachen.
- 85 vnd vmbe dez *kuneges* markes ger.
 daz seiter abr von ende her.
 Der *kunec sprach* abr *herre tristan*.
 nv wie bewar ich mich her an.
 daz ich der rede gewis si.
- 90 vil wol *herre* ich han hie bi.
 mines herren fursten alle.
 swaz gewisheit iv gevalle.
 die saget ir mir div ist getan.
 die wile vnd ich ir einen han.

BLATT 1b, SPALTE 1

- 95 Hie mite sciet der *kunec* dan.
 die vrowen vnde *tristan*.
 die beliben abr eine da.
tristan nam paranisen sa.
geselle sprach er get hin abe.
- 700 da stet ein kiel in der habe.
 da ga gewazliche hin.
 vnd vrage welcher vnder in.
Curuenal si genant.
 dem selben rvne zehant
- 05 daz er ze sime herren ge.
 vnd sage ovch nieman niht me.

- vnd bringe in lise als hovesch du sis.
 nv herre daz tet paranys.
 er brahte in also lise dar.
 10 daz sin nieman wart gewar.
 Nv si in zer kemenaten.
 fur die vrowen traten.
 im neic div kuneginne.
 vnd nieman me dar inne.
 15 sine namen sin durch daz niht war.
 erne kam niht als ein riter dar.
 Nv curvenal tristanden.
 den vrowen vnder handen.
 vroliche vnd gesvnden sach.
 20 in françoysen wis er sprach.
 Ay bea duz syre.
 durch gotes willen waz tvt ire.
 daz ir sus wunnecliche.
 in disem himelriche.
 25 sus luser verborren.
 vnd lat vns in den sorgen.
 wir wanden alle sin verlorn.
 biz iezo hetich wol gesworn.
 daz ir lebende iht weret.
 30 wie habet ir vns besweret.
 Iwer kiel vnd iuwer livte.
 die gesworen wol noch hivte.
 vnd habent ez da vur ir sit tot.
 vnd sint mit micheler not.
 35 her vnze an dise naht beliben.

BLATT 1b, SPALTE 2

- vnd heten daz in ein getriben.
 si woltent hinaht hinnen sin.
 Nein sprach div gvte kunegin.
 er lebet gesunder vnde vro.
 40 vnd tristan der begunde do.
 britvnsce sprechen wider in.
 curuenal sprach er ga balde hin.
 vnd sage hin nider min dinc sta wol.
 vnd ich ez allez enden sol.
 45 da nach wir vs sin gesant.
 hie mite so seiter im zehant.
 sine linge al von grunde.

- so er ebeneste kunde.
 Nv er im hete geseit.
 50 sin gelucke vnd sin arbeit.
 nv sprach er balde ga hin nider.
 sage minen lantherren wider.
 vnd ouch den ritteren dar zû.
 daz ir iegesliche vr̃.
 55 mit sinem dinge sin bereit.
 wol gestrichen vnd gecleit.
 mit der aller besten wat.
 die ir iegeslicher hat.
 vnd nemen mines boten war.
 60 swenne ich in den sende dar.
 so riten her ze houe ze mir.
 Ouch send ich morgen fr̃ ze dir.
 so sende mir den cleinen scrin.
 da miniv cleinote inne sin.
 65 vnd miniv cleder da mite.
 die von dem aller besten snite.
 dich selbe clede ouch als wol.
 als ein houesc riter sol.
 Curvenal neic vnd kerte dan.
 70 brangene sprach wer ist der man.
 in dunket werliche.
 hier inne si ein himelriche.
 weder ist er riter oder kneht.
 frowe swa vur ir geseht.
 75 er ist ein riter vnde man.
 dane habet dekeinen zwiuel an.

BLATT 2a, SPALTE 1

- 11433 die wil vnd sich ouch tristan.
 mit sinen lantgesellen dan.
 35 bereite vnd berihte.
 die wile so betihte.
 ysot div wise kunegin.
 in ein glazevezzelin.
 einen tranc von minnen.
 40 mit also cleinen sinnen.
 vf geleit vnd vorbedaht.
 in solchem liste vurbraht.
 mit swem sin ieman getranc.
 den mûzer ane sinen danc.

- 45 vor allen dingen meinen.
 vnd er da wider in einen.
 in was ein tot vnd ein leben.
 ein truren ein vrode samet gegeben.
 Den tranc den nam div wize.
- 50 si sprach brangenen lize.
 brangene sprach si niftel min.
 la dir die rede niht swere sin.
 dv solt mit miner tochter hin.
 da nach so stelle dinen sin.
- 55 daz ich dir sage daz vernim.
 diz glaz mit dizem tranke nim.
 daz habe in diner hÿte.
 hÿtes vor allem gÿte.
 sich daz ez vf der erde.
- 60 iemen innen werde.
 Bewar mit allem vlize.
 daz ez ieman enbizzate.
 vlize dich wol starke.
 swenne ysot vnde marke.
- 65 inein der minnen comen sin.
 so scenke in disen tranc vur win.
 vnd laz in trinken vz in ein.
 bewar daz daz sin mit in zwein.
 iemen enbize daz ist sin.
- 70 noch selbe trinkes niht mit in.
 der tranc der ist von minnen.
 daz habe in dinen sinnen.
 Ich beuilhe dir ysote.

BLATT 2a, SPALTE 2

- vil tvre vnd vil genote.
 75 an ir so lit min leben.
 ich vnde si sin dir ergeben.
 vf alle dine seleckheit.
 hie mite si dir genÿc geseit.
 Trvt vrowe sprach brangene do.
- 80 ist iwer beider wille also.
 so sol ich gerne mit ir varn.
 ir ere vnd al ir dinc bewarn.
 so ich iemer beste kan.
 vrlop nam do tristan.
- 85 vnd al sin liut hie vnde dort.
 si sciedent ze weisefort.

- mit michelen vrouden abe.
 nv volget im vz in die habe.
 durch ysote minne.
 90 kunec vnde kuneginne.
 vnd al ir massenie.
 sin vnverwande amie.
 sin vnerkativ herze not.
 div liehte wunnecliche ysot.
 95 div waz im ze allen ziten.
 weinende an der siten.
 ir vater ir mûter beide.
 vertriben mit mengem leide.
 die selben kurzen stunde.
 500 menic ouge da begunde.
 riezen vnde werden rot.
 ysot waz menges herzen not.
 si bar vil menigem herzen.
 togenlichen smerzen.
 05 div weneten genote.
 ir ougen wvnnne ysote.
 Da waz gemeineiv weine.
 da weineten gemeine.
 vil herzen vnd vil ovgen.
 10 offenliche vnd togen.
 vnd abr ysot vnd abr ysot.
 div svnne vnd ir morgenrot.
 vnd ouch daz vol meine.
 div scone brangeine.

BLATT 2b, SPALTE 1

- 15 do si sich mûzen sceiden.
 div eine von den beiden.
 do sach man iamer vnde leit.
 div getrvliche sicherheit.
 sciet sich mit mengem leide.
 20 ysot custe si beide.
 dicke vnd ze mengem male.
 Nv die von kurnewale.
 vnde ouch von yrlandere.
 der vrowen volgere.
 25 alle ze sciffe waren komen.
 vnd heten vrlop genomen.
 tristan der gie ze iungest in.

- div liehte ivnge kunegin.
div blome von yrlant.
30 ysot div gienc im an der hant.
trurec vnde sere vnvro.
si zwei si nigen dem lande do.
vnd baten den gotes seggen.
der liute vnd dez landes pflegen.
35 si stiezen an vnd fûren dan.
mit hoher stimme hûbens an.
vnd sunges eines vnde zwir.
in gotes namen varen wir.
vnd strichen alles hinewart.
40 Nv waz den vrowen zûzir vart.
mit tristandes rate.
ein kiel kemenate.
nach heimlicher sache.
gar gegeben zûzir gemache.
45 da waz div kuneginne.
mit ir ivnevrowen inne.
vnd vil luzel kein man.
wan vnderwilen tristan.
der gie wilent dar in.
50 vnd troste die kunegin.
da si weinende saz.
div weininde clagete daz.
daz si als von ir lande.
da si die liute erkande.
55 vnd von ir vriunden allen sciet.

BLATT 2b, SPALTE 2

- vnd vîr mit der vnkunden diet.
sine wiste war oder wie.
so troste si tristan ie.
so er sûzeste kunde.
60 ze iegelicher stunde.
als er zûzir truren quam.
zewiscen sin arme er si nam.
vil sûze vnde lise.
vnd niwan in der wise.
65 als ein man sine vrowen sol.
der getriwe der versach sich wol.
daz er der sconen were.
ein senfte zûzir swere.
vnd als ez ergie.

- 70 daz er sin arme an si verlie.
so gedahte ie diu scone ysot.
an ir ovheimes tot.
vnd sprach ie danne wider in.
lat stan meister habet iv hin.
- 75 tît iwer arme hin dan.
ir sit ein harte mÿlich man.
war vmbe rÿret ir mich.
ey scone missetÿn ich.
ia ir wan ich bin iv gehaz.
- 80 seligiv sprach er vmbe waz.
ir slÿget minen ovhein.
daz ist doch versÿnet. des allein.
ir sit mir doch vmmere.
wan ich were ane swere.
- 85 vnd ane sorge enweret ir.
ir alterseine habt mir.
disen kumber allen vf geleit.
mit parate vnd mit kundekeit.
waz iuch mir ze scaden gesant.
- 90 von curnewale in yrlant.
die mich von kinde habent erzogen.
den habent ir mich nv an ertrogen.
vnd fÿret mich ine weiz wa hin.
ine weiz wie ich verkoufet bin.
- 95 vnd weiz ovch waz min werden sol.
Nein scone ysot gehabet iuch wol.

JOHN L. CAMPION

UNIVERSITY OF NORTH CAROLINA